

# OUR VANCOUVER

OUR FUTURE 2045

## Porousan Ewe Ewin Repot E Nenengeni Met Ekkewe Kokkot Epwe Angawa Me Eochuono Fenu me Neni: Menappen Porous

Ei Sopw mei angang fengen ngeni aramasan non ei neni ar repwe feri **OUR VANCOUVER (ACH CHOON VANCOUVER)** ewe Comprehensive Plan Update (Kokkot Mei Ounusanong Porousan Minafen Ekkesiwin Epwe Fiis Ngeni Ei Neni) minne epwe anisi an ei neni epwe wattenno me pwan eochuno tori non 2045. Ennukkun ei fenu pwe epwe wor ei minafen ekkesiwin minne epwe enenia kukkunnon 38,129 minafen imw epwe keueta me 43,198 minafen angang epwe suuk non ekkan 20 ier sipwe tonong non pwun epwe anisi met ekkewe mei namwot me auchea ngeni ei sopw an a wakatenno.

**The State Environmental Policy Act (SEPA) ika Ewe Ennukkun Ei Fenu Ren Ar Repwe Nenengeni Eochun Me Ngawan Met Repwe Epwungano Epwe Fiis Ngeni Ei Fenu** mei afata pwe ewe Sopw epwe awatei an kao porousan, met eochun me ngawan ekkewe ekkesiwin epwe etto seni ewe Comprehensive Plan Update (Kokkot Mei Ounusanong Porousan Minafen Ekkesiwin). Non Sunae 8, 2025, ewe Sopw a maakei me awora eche repot e nenengeni ei neni itan Draft Environmental Impact Statement (EIS), pwun epwe fiti ngeni ennukkun ewe SEPA me awora ngeni aramas, an mwuun kewe ofes me pwan ekkewe fitu einang/choo non Merika porous repwe ekkiek won atun a fiis angangan epwungupwung faan iten ewe Comprehensive Plan update (Kokkot Mei Ounusanong Porousan Minafen Ekkesiwin). Ei Ewin EIS mei kawor an aramas meinisin repwe watiw mefier won non Septemper 8, 2025. Menappen porousan epwe awora ekkis awewen ekkewe porous e kon nien auchea seni ewe Ewin EIS, ifa ussun omw kopwe watiw mefiomw won ei repot, me met epwe taproot mwurin.


### Met ewe Ewin EIS e kao porousan?

Ei Ewin EIS e nengeni unungat sasing ika anapanap epwe fiis non ekkan raan mwach mei tufich epwe eochu ika ngaw ngeni ei neni (fenu): ew kokkot itan No Action (Esapw Wor Angang Epwe Fiis) me iwe mei pwan wor ruu sokkun kokkot ika "action alternatives". Ewe Ewin EIS mei anefengeni ekkewe fitu sokkun Kokkot me pwan awewei met eochun me ngawan ew me ew ekkewe Kokkot. Sopweno ne anea omw kopwe sinei porousan ekkewe fitu sokkun Kokkot ika no ngeni [beheardvancouver.org/plan2045](http://beheardvancouver.org/plan2045) omw kopwe katon ekkewe watten mapun ekkewe fitu sokkun kokkot mei kawor. En mei tongeni kao tichikin porousan ekkewe fitu sokkun kokkot non Chapter 2 seni Ewin EIS.

## Ewe Kokkot An Esapw Wor Angang Epwe Fiis (No Action)


- Ewe kokkot ren Esapw Wor Angang Epwe Fiis ika No Action, e kawor faan iten ewe SEPA, e enikiniki nge angangen an epwe wattenno (maar) me eochuno ei neni epwe chek fiti ngeni Masowen Ewe Comprehensive Plan (Unusan Kokkot) me zoning code (ennuk e fer seni mwuun ren ifa ussun ar repwe aia fenu) mei kawor non ei atun iwe wewen nge esapw wor ekkesiwin epwe fiis ngeni ei Kokkot Me ennukun aian fenu.
- Ewe zoning map (map e pwarano kian fenu me enukkun aian fenu) epwe chek pwan nene fengen ngeni ei minen ikenai, ussun mei fen pwano non en **Ewin (1) Sasing**. Appendix C ika Pwan Ekkoch Porous Mei Kapacheta non Ewe Kinikin C seni ewe Ewin EIS mei awewei kian me aian ew me ew fenu me met ier mei mwuatata ikenai.
- Ekkewe ennuk mei pwusin chek kawor seni mwuun e wenengeni pekin imw epwe chek fiis me pwenueta: wewen nge, non ekkewe minafen ennukkun ei fenu, napengeni sopwun non Washington repwe mwuut ngeni kukkunnon 4 imw repwe nomw won ekkan fenu epwe keu imwen aramas ian, pwan kukkunnon 6 repwe pwan nomw won ekkewe fenu epwe keu imwen aramas ian akkaewin ika e nomw unukun ekkan nenien pas pwan ika 2 me nein ekkei imw epwe naf ika kofich ngeni meinisin aramas ese nifinifin fite ukkukun ar mwoni tonong.
- Non ewe kokkot ren No Action (Esapw Wor Angang Epwe Fiis) ina epwe chokukun aramas repwe tongeni nomw non ei neni/fenu, epwe men mwosonoson me esapw kon watte mwekutukut mei fiis, iwe ina esapw kon pwan sokopat aian en fenu non unusen en Sopw; ren ei wewe, ei Sopw ina esapw tikeri met e mwochen an epwe awora kukkunon 2045 imw epwe keu me angang epwe suuk.

**Ewin (1) Sasing.** Kian Fenu me Ennukkun Aian Faan Ewe Kokkot No Action Ika Esapw Wor Angang Epwe Fiis




<b>Legend</b>	<b>Zoning Designation</b>			
Vancouver UGB	R-2	R-30	AG/WL	MX
City Boundary	R-4	R-35	Park	RGX
Primary Arterial	R-6	CN	NA	WX
Arterial	R-9	CC	GW	HX
	R-18	CG	CX	OCI
	R-22	IL	CPX	Water
		IH	ECX	

**Oruwen (2) Sasing.** Ewin (1) Kokkot Tingoren Ekkesiwin Epwe Fiis Ngeni Kian Fenu me Ennukkun Aian Fenu



**Sasing 3.** Oruwen (2) Kokkot Tingoren Ekkesiwin Epwe Fiis Ngeni Kian Fenu me Ennukkun Aian Fenu



**Ewin Kokkot (Alternative 1)**

- Ewe Sopw epwe anganga masowen ewe Comprehensive Plan Update (Ekkesiwinin ewe Unusan Kokkot), epwe pwan eita sefani me amecheresi ne kianei aian fenu me ennukkun aian fenu an epwe chek choo kukkun ennukkun aian fenu.
- Ewe zoning map ika map ren ennukkun aian fenu mei apachanong ekkewe minafen ennu ren aian fenu ussun mei pwano non ewe **Oruwen (2) Sasing**.
- Non ei kokkot, epwe ne mwuumwuuta an epwe chomwongo imw epwe ne chek kanefengen me pwan anapano an epwe sokopat aian en fenu non ei Sopw nap seni ika iwe e chek fiti ewe Kokkot No Action (Esapw Wor Angang Epwe Fiis).
- Me non ei Sopw ina epwe ne napeseni ewe keukkun 2045 imw re ana epwe keu me angang epwe suuk (ita enikinikin nge epwe ne 45,100 minafen imw epwe keu me 46,000 minafen angang epwe suuk).

**Oruwen (2) Kokkot**

- Ussun chek pwan ewe Ewin (1) Kokkot, ei Sopw epwe anganga masowen ewe Comprehensive Plan Update (Ekkesiwinin ewe Unusan Kokkot) me ekkewe ekkesiwin mei wenengeni aian me ennukkun aian fenu .
- Ewe zoning map ika map ren ennukkun aian fenu mei apachanong ekkewe minafen kian me ennu ren aian fenu ussun mei pwano non ewe **Eunungatin (3) Sasing**.
- Non ei kokkot, epwe mwuumwuuta an epwe unusen chomwongono imw epwe ne chek kanefengen me pwan anapano an epwe sokopat aian en fenu non fitu kinikinin non ei Sopw (awewe sokopat sokkun imw, sokopat aian ew me ew imw, wor nenien angang, kukkunou me kame) nap seni ewe ew Ewin (1) Kokkot.
- Me non ei Sopw ina epwe ne napeseni ewe keukkun 2045 imw re ana epwe keu me angang epwe suuk epwe ne mwo nge napeseni ewe keukkun faan ewe Ewin (1) Kokkot (ita enikinikin nge epwe ne 50,700 minafen imw epwe keu me 49,300 minafen angang epwe suuk).

## Met wewen enuwan ekkann map me met wewen zoning district (kian me ennukkun aian fenu)?

Ekkewe map mei fitu sokkun enuwan pwun e pwarano ekkewe fitu sokkun zoning districts, kian fenu me ennukkun aian fenu. Ewe Kokkot ren No Action (Esapw Wor Angang Epwe Fiis) epwe isoni me esapw siwini ekkewe ennuk ren kian fenu me ennukkun aian ekkei fenu ir mei aia ikenai, nge ewe Ewin (1) me Oruwen (2) Kokkot ir mei ita tingor an epwe ameheresi pwe epwe ne chek tiu minafen zoning districts (kian fenu me ennukkun me aian ekkei fenu).

- Ekkewe Neni Ikkewe Ian Mei Kukkun Imwan:** Mei mwuutata an epwe wor 6 imw won ew fenu me ukkukun tekian en imw epwe 3 sasar (wattenon 45 fit tekian).
- Ekkewe Neni Mei Fitu Sokkun Imw E Keu Ian (imwuno mei watte me kukkun) me mei chek kinefengen:** Mei mwuutata fitu sokkun imwen aramas me imw ukkukun tekian epwe nefinen 2 ngeni 5 sasar (wattenon 75 fit tekian), me pwan ekkewe sokkun imw an mwuun, nenien sukkun, pioing, me pwan ekkoch me nukkun (civil/institutional building) me commercial (sitowa ika nenien ameme, kame, ferun mettoch epwe ameme).
- Ekkewe Neni Mei Sokopat Me Nofit Sokkun Imw Ian:** Mei mwuutata fitu sokkun imwen aramas, commercial (sitowa ika nenien ameme, kame, ferun mettoch epwe ameme), me pwan ekkewe sokkun imw an mwuun, nenien sukkun, pioing, me pwan ekkoch me nukkun (civil/institutional building), tekian ekkann imw epwe nomw nefinen 3 ngeni 8 sasar (wattenon 110 fit tekian).
- Regional Activity Center (Nenien Kukkunou, Angang, Me Kame):** Mei mwuumwuuta an epwe wor nenien kukkunou, ameme me kame, ekkewe sokkun neni mei suuk ngeni meinis aramas me nenien imwen aramas epwe chek kanefengen, kukkunon tekian imw epwe 3 sasar me ese pwan keuk tekian.
- Nenien Imw Watte Ren Nenien Imwen Sukkun, An Mwuun Kewe Imw, Piong Me Pwan Ekkoch:** Mei awora fenu mei enenia imwen sukkun, an mwuun kewe imw, me imwen safei ika pioing, ekkei imw mei tongeni epwe tori 12 sasar (wattenon 150 fit tekian) me pwan nenien ekkewe sokkun imw mei chek kinefengen.
- Nenien Ferun Me Isoisen Mettoch Epwe Ameme/Nenien Angang:** Mei apachanong ekkewe fenu mei enenia ekkewe imw mei wesen watte, nenien ferun met epwe ameme, warehouse ika nenien isoisen, imw mei ochupa ofes me nenien ferun ar ameme, me pwan ekkewe kukkun imw mei fitemen choon aia ar repwe fer met repwe ameme, ekkei imw mei sokofesen tekian mei tori 12 sasar (wattenon 150 fit tekian). Ese mwuumwuuta imwen aramas mei chek minafeto.
- Nenien Ekkewe Imw Mei Unusen Watte Ren Nenien Ferun Me Isoisen Mettoch Epwe Ameme:** Mei pachenong ekkewe fenu non ei sopw mei chek imwuno ren aian ekkewe sokkun imw watte epwe wenengeni nenien ferun me isoisen mettoch epwe ameme, iwe esapw pwan siwin ennukkun aian ei fenu seni ekkewe ennuk ir mei fiti ikenai. Ese mwuumwuuta imwen aramas mei chek minafeto.
- Ekkewe Park:** Mei pachenong ekkewe fenu mei imwuno ren nenien park me pwan neni mei suuk nei meinis aramas. Ese mwuumwuuta imwen aramas.
- Fenuwen Nukkun:** Mei pachenong ekkewe fenu (pwun, ira ika aan) epwe tumwun an esapw wor imw ika met epwe keu won. Ese mwuumwuuta imwen aramas.



Katon tichikin porousan ekkewe map ren ekkewe fitu sokkun kokkot

BeHeard Vancouver

[beheardvancouver.org/plan2045](https://beheardvancouver.org/plan2045)

## Met ekkei Kokkot re nene fengen won?

- 1** Epwe awatteno, anganga an epwe eochuno, me wor ekkesiwin epwe fiis ngeni meinis kinikin non Vancouver non ekkann 20 ier sipwe tonong non.
- 2** Esopw fenuwen ei Sopw epwe nenien imwen aramas. Ennukkun ei Fenu, pwe epwe mwuumwuuta kukkunon 4 imw repwe nomw won ekkann fenu epwe keu imwen aramas ian, pwan kukkunon 6 repwe pwan nomw won ekkewe fenu epwe keu imwen aramas ian akkaewin ika e nomw unnukun ekkann nenien pas pwan ika 2 me nein ekkei imw epwe naf ika kofich ngeni aramas ar repwe nome non.
- 3** Meinis ekkewe Kokkot mei nene fengen ukkukun fenu epwe imwuno faan iten nenien Park, Fenuen Ira/Pwun/Aan ikkewe ian esapw wor met epwe keu ian, Ekkewe Fenu Mei Enenia Pioing me Sukkun Ika an Mwuun Imw, me ekkewe fenu mei imwuno faan iten nenien ferun me isoisen met epwe ameme.

## Met ekkewe masowen ekkewe Kokkot mei tongeni angawa fenu me masowan (environment)?

Ei chepen non ekkann peich e tapwoto mwurin e menapei met eochun me ngawan mei tongeni fiis ngeni ei neni seni ewe No Action ika Ese Wor Angang Epwe Fiis me Ekkewe Kokkot ika Action Alternatives (1 me 2). Mei chek nene fengen met eochun me ngawan mei tongeni fiis ngeni ei neni faan ewe Ewin (1) Kokkot me Oruwen (2) Kokkot nge e chek sokofesen watter. Chapter 3, 4 me 5 ren ewe Ewin EIS mei awora tichikin porousan ew me ew ekkewe Kokkot, fiti fengen me porousan nonomwun non ei atun me met ekkewe mei tufich epwe ekkukunatiw ngawan ekkewe Kokkot mei tongeni epwe fiis ngeni en neni.

# Met Ekkewe Eochun me Ngawan Ekkewe Kokkot mei Tongeni Fisi ngeni Fenu me Menun

Met Ekkewe Masowen ei Fenufan	No Action ika Ese Wor Angang Epwe Fiis	Kokkot ren Action ika Epwe Wor Angang Epwe Fiis (1 me 2)
<p><b>Aian Pwunun Fenu me Pen Saat, Imwen Aramas</b></p>	<ul style="list-style-type: none"> <li>Ese nene fengen ngeni masowen ewe tingor ren Comprehensive Plan Update (Ekkesiwinin ewe Unusan Kokkot) me pwan ekkewe ennuK mei wenengeni.</li> <li>Ese fiti ngeni mwochenin ei Sopw pwun ina esapw naf minafen imw epwe keu me esapw naf angang epwe suuk.</li> <li>Chokukkun commercial (sitowa ika nenien ameme, kame, ferun mettoch epwe ameme) repwe mwekut, iwe epwe pwan chokukkun minafen nenien business (sopai).</li> <li>Chokukkun sokopaten sokkun imw epwe keu me esapw pwan awora imw aramas repwe naaf ar repwe nomw non ika aia.</li> </ul>	<ul style="list-style-type: none"> <li>Mei nene fengen ngeni masowen ewe tingor ren ewe Comprehensive Plan Update (Ekkesiwinin ewe Unusan Kokkot) me pwan ekkewe ennuK mei wenengeni.</li> <li>Mei napeseni met ita ei Sopw e mwochen ren ukkukkun fite imw epwe keu me angang epwe suuk. Faan ewe Oruwen (2) Kokkot, iei nein ekkewe Kokkot epwe kon nien chomwong imw epwe keu me chomwong angang epwe suuk.</li> <li>Mei ukkukkeoch ekkewe commercial (sitowa ika nenien ameme, kame, ferun mettoch epwe ameme) repwe mwekut, epwe pwan chomwonongo minafen nenien business (sopai) nap seni ewe kokkot No Action ika Esapw Wor Angang Epwe Fiis. Faan ewe Oruwen (2) Kokkot, iei nein ekkewe kokkot epwe kon nien awateno nenien minafen business (sopai).</li> <li>Watteno sokopaten sokkun imw epwe keu me pwan chomwong imw aramas repwe naf ngeni ar repwe nomw non nap seni ewe Kokkot No Action (Esapw Won Angang Epwe Fiis); Nge Wattenon e feito seni ewe Oruwen (2) Kokkot.</li> </ul>
<p><b>Ningeoch</b></p>	<ul style="list-style-type: none"> <li>Epwe wor ekkesiwin epwe fiis ngeni en napanapan/nikinikin en neni nge ita urrurrun esapw pwan kon angawano ningan.</li> <li>Unusen kukkun ekkesiwin an epwe ningeoch me nikinikeoch ika e fer sefan ekkewe nenien park taraku, neni mei pen me pwan ekkoch imw minen nomw.</li> </ul>	<ul style="list-style-type: none"> <li>Mei tufich epwe keu ekkewe imw mei watte nge esapw kon pwan ekkesiwini nikinikin ena neni. Mei ekkis watte met epwe osukosuka e neni faan ewe Oruwen (2) Kokkot nap seni ewe Ewin (1) Kokkot.</li> <li>Mei tufich epwe wor ekkesiwin an epwe ningeoch me nikinikeoch ika e fer sefan ekkewe nenien park taraku, neni mei pen me pwan ekkoch imw minen nomw. Mei ekkis watte ekkesiwin mei mwurine faan ewe Oruwen (2) Kokkot nap seni ewe Ewin (1) Kokkot.</li> </ul>
<p><b>Tumwunu Ne Isoni Porousan Uruwo me Eoreni</b></p>	<ul style="list-style-type: none"> <li>Unusen kukkun an osukosuka ekkewe neni ika imw nenien isoisen me tumwunun porousen uruwo me eoreni.</li> </ul>	<ul style="list-style-type: none"> <li>Mei tufich epwe osukosuka ekkewe neni ika imw nenien isoisen me tumwunun porousen uruwo me eoreni faan me ruu ekkewe sokkun Kokkot.</li> </ul>
<p><b>Aninin Waa</b></p>	<ul style="list-style-type: none"> <li>Unusen kukkun kapachanapan mwain seni meinin taraku re sa iteiten raan (vehicles miles traveled (VMT) ika kapachanapan mwain en taraku e sa non ika ker mwochun) won unusen anen non en Sopw.</li> <li>Wattenon VMT ika wattenon mwain en taraku e sa me non ew imw pokiten ese chomwong imw mei nofit me kinefengen aweve ren imwen aramas, imwen nenien aninis me ekkewe business (sopai).</li> <li>Ika pwe ese chomwongono aramas iwe esapw pwan chomwongono choon saa won ekkewe aan mei faat pwe mei soun wor osukosukan.</li> </ul>	<ul style="list-style-type: none"> <li>Mei watte kapachanapan ewe VMT iteiten raan me non unusen en Sopw nap seni ewe kokkot No Action (Esapw Won Angang Epwe Fiis) pokiten ina epwe chomwongono aramas; Epwe ekkis watteta fan ewe Oruwen (2) Kokkot nap seni ewe Ewin (1) Kokkot.</li> <li>Epwe kukkun VMT seni ew imw (ika esapw kon chomwong taraku repwe sa seni ew imw) nap seni ewe kokkot No Action ika Esapw Wor Angang Epwe Fiis pwun ina epwe nofit sokkun imw ra chek kinefengen aweve ren imwen aramas, imwen aninis, me ekkewe business (sopai) minne mei pwan tongeni esenipa an epwe kukkunitiw choon uwouw taraku.</li> <li>Ika en Sopw e watteno, epwe men chomwongono taraku won aan, akkaewin pwan ekkewe aan mei faat pwe mei soun osukosuk ian nap seni ewe kokkot No Action (Ese Wor Angang Epwe Fiis); Mei ekkis tufich epwe ekkis watte faan ewe Oruwen (2) Kokkot nap seni ewe Ewin (1) Kokkot.</li> </ul>
<p><b>Ekurang</b></p>	<ul style="list-style-type: none"> <li>Unusen kukkun ekurang e etto seni angangen keu imw nge epwe wor ekurang feifeino epwe etto seni taraku ren imwen aramas/ekewe neni a men auchea esapw wor ekurang ian.</li> </ul>	<ul style="list-style-type: none"> <li>Mei tufich epwe wor ekurang e etto seni angangen keu imw nge epwe pwan wor ekurang feifeino epwe etto seni taraku ren imwen aramas/ekewe neni a men auchea esapw sor ekurang ian; Mei tufich epwe ekkis watte faan ewe Oruwen (2) Kokkot nap seni ewe Ewin (1) Kokkot.</li> </ul>
<p><b>Aninis Mei Kawor Seni Mwuun Ngeni Meinin Aramas</b></p>	<ul style="list-style-type: none"> <li>Unusen chookukkun choon aia ekkewe aninis seni mwuun mei kawor non unusen ei Sopw mei pachenong aninin kunukun ekei; ponis; sukkun, park me pwan nenien kukkunou, konik, konikin imw a nimengaw ika aninin sewer; fifi; me pwan kapich.</li> </ul>	<ul style="list-style-type: none"> <li>Epwe ekis chomwongono choon aia ekkewe aninin mwuun mei kawor non unusen ei Sopw nap seni ewe kokkot No Action (Esapw Wor Met Epwe Fiis) pokiten epwe chomwongono aramas, nge epwe ekkis chomwongono choon aia faan ewe Oruwen (2) Kokkot, nap seni ewe Ewin (1) Kokkot.</li> </ul>
<p><b>Fenufan</b></p>	<ul style="list-style-type: none"> <li>Unusen kukkun met epwe osukosuka ren an epwe atai pwun, sen fenu, me epwe pwan chomwongono ekkewe impervious surface (awewe ren pwenupwenun imw, asarito ika simen, ewe pwun a kumuno ese tongeni sono konik non, me pwan ekkoch me nukkun).</li> </ul>	<ul style="list-style-type: none"> <li>Me ruu ekkewe kokkot epwe atai pwun, awateno mecheresin en epwe sen en pwun, awora simen mei pechekun, ekkewe mettoch konik ese tongeni sono non Nap Seni Ewe Kokkot Esapw Wor Angang Epwe Fiis (No Action), me nein ekkei ruu kokkot ewe Oruwen (2) Kokkot mei ekkis watte met epwe angawa ngeni fenu nap seni ewe Ewin (1) Kokkot.</li> </ul>

# Met Ekkewe Eochun me Ngawan Ekkewe Kokkot mei Tongeni Fisi ngeni Fenu me Menun

Met Ekkewe Masowen ei Fenufan	No Action ika Esapw Wor Angang Epwe Fiis	Kokkot ren Action ika Epwe Wor Angang Epwe Fiis (1 me 2)
<b>Nimeochun En Asepwan, Kas itan Greenhouse Me Enienin Asepwan</b>	<ul style="list-style-type: none"> <li>Epwe unusen kukkun nimengawen non asepan me kas itan Greenhouse seni non ei atun.</li> <li>Epwe unusen kukkun nimengawen non asepan e feito seni angangen keu imw.</li> </ul>	<ul style="list-style-type: none"> <li>Nimengawen non asepan non 2045 epwe ekkis kukkun seni non ei atun; Epwe pwan watteno nimengawen non asepan nap seni ewe kokkot No Action (Esapw Wor Angang Epwe Fiis) pokiten epwe watteno nimengawen asepan e feito seni chomwongonon taraku repwe saa (VMT). Epwe ekkis watteta nimengawen non asepan faan ewe Oruwen (2) Kokkot nap seni ewe Ewin (1) Kokkot.</li> <li>Epwe watteta nimengawen asepan e feito seni angangen keu nap seni ewe ew Kokkot ren No Action (Esapw Won Angang Epwe Fiis); epwe ekkis watteno won ewe Oruwen (2) Kokkot nap seni ewe Ewin (1) Kokkot.</li> </ul>
<b>Konik, Ira me Maan</b>	<ul style="list-style-type: none"> <li>Unusen chokukkun ekkewe minafen impervious surface (awewe ren pwenupwenun imw, asarito ika simen, ewe pwun a kumuno ese tongeni sono konik non, me pwan ekkoch me nukkun) me pwan pwuun en konik mei etto seni.</li> <li>Unusen kukkun met mei tongeni osukosuka ira me maan me nenier kewe.</li> <li>Unusen chokukkun imw epwe keu ren ekkewe fenu a men auchea (ren nenien ira me maan) ina mwo ika epwe wor ennu minafe epwe feruta an epwe tumwunueochu ekkei sokkun fenu me menun non.</li> <li>Unusen chokukkun minafen imwen aramas epwe keu ren ekkewe neni ese kon pwan chomwong ira ian.</li> </ul>	<ul style="list-style-type: none"> <li>Faan ewe Oruwen (2) Kokkot, epwe chomwongono ekkewe minafen impervious surface (awewe ren pwenupwenun imw, asarito ika simen, ewe pwun a kumuno ese tongeni sono konik non, me pwan ekkoch me nukkun) me pwuun en konik e feito seni nap seni ewe Kokkot ren No Action (Esapw Wor Angang Epwe Fiis).</li> <li>Faan ewe Oruwen (2) Kokkot, epwe watteno osukosukan atai ira me maan me nenier kewe nap seni ewe Kokkot ren No Action (Esapw Wor Angang Epwe Fiis).</li> <li>Faan ewe Oruwen (2) Kokkot, epwe unusen chomwongono minafen imw epwe tongeni keu ren ekkewe fenu a men auchea (ren nenien ira me maan) ina mwo ika epwe wor ennu minafe epwe feruta an epwe tumwunueochu ekkei sokkun fenu me menun non.</li> <li>Faan ewe Oruwen (2) Kokkot epwe chomwongono minafen imwen aramas epwe keu non ekkewe neni ese kon chomwong ira ian nap seni ewe ew Kokkot ren No Action (Esapw Wor Angang Epwe Fiis).</li> </ul>

## Ifa ussun ai upwe maakei mefiei ren ei Ewin EIS?

- Kich mei etiwa meinisin mefiomw seni iei ngeni Septempter 8, 2025 at 11:59 nepwin.
- Wonline ika won asepan** Taropwen Mefiomw (ika ke mwochen ei): [www.surveyhero.com/c/VancouverDEIS](http://www.surveyhero.com/c/VancouverDEIS)
- Email** ngeni [OurVancouver2045@cityofvancouver.us](mailto:OurVancouver2045@cityofvancouver.us)
- Tinano non pworun posto** mefiomw kana ngeni:  
Attn: Meredith Herbst  
City Hall  
P.O. Box 1995  
Vancouver, WA 98668
- Wattiw omw porous** nupwen fansoun ka kekkeri ei nampa 360-487-7929.
- Fiti ew ekkewe mwiich mei suuk ngeni meinisin aramas** me maaketiw mefiomw.

## Raanin Mwiich Mei Suuk Ngeni Meinisin Aramas

### EAST VANCOUVER

Eunungat, Sunae 30, 2025  
4 nekunion ngeni 7 nepwin.

Firstenburg Community Center  
Community Room (Ruumw Mei Suuk  
Ngeni Meinisin)  
700 NE 136th Avenue  
Vancouver, WA 98684

### WEST VANCOUVER

Amwon, Akkos 9, 2025  
11 me mwen neonowas ngeni  
2 mwurin neonowas

City Hall  
Aspen Ruumw  
415 W. 6th Street  
Vancouver, WA 98660

Kose mwochen no ngeni an Be Heard Vancouver ewe website ren tichikin porousan ekkewe mwiich mei kawor ngeni meinisin aramas me ekkewe pwan ekkoch fansoun mei kawor ren ach sipwe nenengeni me porous ngeni choon angangen ei sopw won ewe Ewin Draft EIS: [www.beheardvancouver.org/plan2045](http://www.beheardvancouver.org/plan2045)

## Met Epwe fiis Mwurin?

### Maramen Septemper Ngeni Nofamper 2025

Awora ewe Preferred Alternative (Ewe Kokkot Napengeni Re Mwochen), Kokkotun Angangan, me Pwan Ennukkun. Anongonong won ewe repot mei kawor faan iten ei neni (environmental report), ekkewe memef e etto seni aramasan non ei neni, met ekkewe ennuke ei sopw e kon aucheani me akkomwa, emwen seni ewe City Council, me saingonong map ren kian fenu me ennukkun aian fenu, epwe wor ew kokkot epwe iteni preferred alternative (ewe kokkot napengeni re mwochen) epwe feruta epwe ochupa ekkoch anapanap seni ewe Ewin (1) Kokkot me Oruwen (2) Kokkot. Non ei atun, epwe wor omw fansoun omw kopwe wato mefiomw ren masowe ewe ewin kokkot me ennukkun keun/ferun masowen ei neni.

### Ekkewe Maram Tisamper Ngeni Fapeweri 2025 me mwurion

Porousan Saingonon Repot Faan Itan Eochun Me Ngawan Ewe Kokkot Ngeni Ei Neni. Ewe Sopw epwe pwan kaeo porousan eochun me ngawan ewe kokkot a kefinita me epwe pwan mennapei porousan non ewe saingonon repotun ei neni itan final environmental report ika Final EIS. Non ewe Saingonong EIS, choon angang repwe penuweni ekkewe memef e kawor atun nepoputan ewe Ewin EIS anongonong won ew me ew itenap.

Memef seni ewe City Council Ewe Saingonon Comprehensive Plan Update (Ekkesiwinin ewe Unusan Kokkot, map ren kian fenu me ennukkun aian fenu, me pwan ennukkun keu epwe kawor ngeni ewe City Council ar repwe tongeni etiya.

Mwurion an a ketiw ewe Comprehensive Plan Update (Kokkot Mej Ounusanong Porousan Minafen Ekkesiwin Epwe Fiis Ngeni Ei Neni), epwe ne ketiw ew me ew tingor ren keu pwun epwe pwan tufichin kawor taropwen mwuumwuuta ren keu me epwe pwan wor angangen nenengeni ika pwe mei pwenueta masowen ewe SEPA e etto seni ennukkun en Sopw me fenu.

## Kapas Eis? Kose mwochen porous ngeni kich won

[OurVancouver2045@cityofvancouver.us](mailto:OurVancouver2045@cityofvancouver.us)

Ren omw kopwe tingor aninisin maak non kapasen fenuwomw me aninisin omw kopwe tufichin mwekutukut, kuna, rong, maak, ika pwan ren ekkoch mettoch epwe namwot me auchea ngonuk, kose mwochen porous ngeni kich won 360-487-7937 ika [OurVancouver2045@cityofvancouver.us](mailto:OurVancouver2045@cityofvancouver.us)



Minatiw ika download unusan ewin ewe EIS won an [BeHeard Vancouver](https://www.behardvancouver.org) website.

